

— 242 —

alfe da vorgeschriben stat. Ist och den vorgeantten herren von Üsenberg, oder den iren, kein schade beschehen, von den vorgeantten von Friburg, oder von den iren, emals, e, si einander widerseitig, das sol och stan an den drin, was die heissent, oder der mer teil vnder in, das sullen si stete han, ane alle widerrede. Es ist och berret, obe der vorgeantten drier defeiner furbe, oder abe gienge, in defeinen weg, das got wende, so sol der teil, von deswegen er dar ist gegeben, einen andern alfe guoten dar geben, in den nehsten achte tagen ane alle geuerde, an des stat, der da abe gegangen ist, vnd sol sich der dar zuo binden, in allemis, alfe der vorder getan hatte. Vnd des zuo eime offenen vrfunde, so han wir vnser ingesigel gehenket an disen brief. Wir die vorgeantten, graue Cuonrat herre ze Friburg, Fridrich sin sun, Dietrich von Endingen ein ritter, Johannes vnd Walther, gebuodere von Endingen, veriehen mit disem gegenwertigem brieue alles, das da vor von vns geschriben stat, das wir das gesworn haben zuo den heiligen, vür vns, vnd alle vnser fründe, diener vnd helfere, stete ze haltende, ane alle geuerde. Vnd das dis war vnd stete belibe, so han wir och vnserü ingesigele, mit des vorgeantten vnserß herren, des herzogen ingesigele, gehenket an disen brief. Wir Burcart vnd Gebhart gebuodere, herren von Üsenberg, die vorgeantten, veriehen mit disem gegenwertigem brieue alles, das hie vor von vns geschriben stat, das wir das gesworn haben zuo den heiligen, vür vns, vnd alle vnser fründe, diener vnd helfere, stete ze haltende, ane alle geuerde. Brechin wir das, da vor got si, so sin wir erlos, vnd meineidig, vnd das dis war, vnd stete belibe, so han wir och vnserü ingesigele, mit des vorgeantten vnserß herren, des herzogen ingesigel, gehenket an disen brief. Wir der vorgeantte burgermeister, der rat, vnd die burger gemeinliche; der stette ze Friburg, geloben mit disem brieue, stete ze habende, allü dü ding, dü da vor von vns geschriben sint, mit guoten trüwen, ane alle geuerde, vnd das dis war vnd stete belibe,